



# Deddf Casglu a Rheoli Trethi (Cymru) 2016

2016 dccc 6

**RHAN 5**

COSBAU

**PENNOD 2**

COSBAU AM FETHU Â DYCHWELYD FFURFLENNI NEU DALU TRETH

*Cosbau o dan Bennod 2: cyffredinol*

## **126 Esgus rhesymol dros fethu â dychwelyd ffurflen dreth neu dalu treth**

- (1) Os yw person yn bodloni ACC neu (drwy apêl) y tribiwnlys bod esgus rhesymol dros fethu â dychwelyd ffurflen dreth, nid yw'r person yn agored i gosb o dan adrannau 118 i 120 mewn perthynas â'r methiant.
- (2) Os yw person yn bodloni ACC neu (drwy apêl) y tribiwnlys bod esgus rhesymol dros fethu â thalu treth ddatganoledig, nid yw'r person yn agored i gosb o dan adran 122 mewn perthynas â'r methiant.
- (3) At ddibenion is-adrannau (1) a (2)—
  - (a) nid yw prinder arian yn esgus rhesymol oni bai y gellir priodoli hynny i ddigwyddiadau sydd y tu hwnt i reolaeth y person;
  - (b) pan fo person yn dibynnu ar berson arall i wneud unrhyw beth, nid yw hynny'n esgus rhesymol oni bai bod y person cyntaf wedi cymryd gofal rhesymol i osgoi'r methiant;
  - (c) os oedd gan berson esgus rhesymol am y methiant ond bod yr esgus wedi dod i ben, mae'r person i'w drin fel pe bai wedi parhau i fod â'r esgus os caiff y methiant ei gywiro heb oedi afresymol ar ôl i'r esgus ddod i ben.